



Broj: 01-20/22
Vareš, 31.01.2022. godine

Z A P I S N I K
sa 11. sjednice Općinskog vijeća Vareš,
održane 29.12. 2021. godine

Predsjedavajuća OV pozdravila je sve prisutne.

Izvršena je prozivka vijećnika.

Prisutni vijećnici: Mirnes Ajanović, Sahudina Beganović, Nurdin Begović, Maja Berberović, Mahira Brkić, Amela Brkić, Asmir Čizmo, Dario Dodik, Zdenko Franjić, Nazif Hajrić, Igor Hinger, Šaban Ibrišimović, Salih Memić, Mario Mirčić, Nedžad Mušanović, Malik Rizvanović, Nikola Šimić i Edib Zubača.

Odsutni: Emir Islamović.

Mahira Brkić – predsjedavajuća Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajuća OV pozvala je prisutne da minutom šutnje i učenjem Fatihe odaju počast preminuloj uposlenici Općine Vareš Ameli Bureković.

Predsjedavajuća OV upoznala je prisutne da je na osnovu prijedloga Udruženja Odreda izviđača „Zvijezda“ Vareš, Savez Izviđača Federacije BiH za 2020. godinu usvojio prijedlog da se Plaketa Saveza Izviđača FBiH dodijeli Općini Vareš i Eastern Mining d.o.o. Vareš.

Predstavnica Udruženja Odred Izviđača „Zvijezda „, Vareš gosp. Matea Terzić uručila je Plaketu Općinskom načelniku i zahvalila se na saradnji i pomoći koju su dobili od Općinskog načelnika.

Općinski načelnik Zdravko Marošević u svom obraćanju zahvalio se na uručenoj Plaketi.

Predsjedavajuća OV otvorila je 11. sjednicu s početkom u 14,00 sati, u velikoj sali Općine Vareš.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici načelnika - gosp. Ermin Musa i gosp. Čedomir Jelić, ispred Službe za privredu, finansije i trezor – gosp. Mirza Fatić, predstavnica Udruženja Odred izviđača „Zvijezda“ Vareš – gosp. Matea Terzić i predstavnici medija.

Sekretar OV Leon Pavlović izvijestio je Vijeće da je na 10. sjednici OV održanoj 30.11.2021. godine, Vijeće donijelo dvanaest (12) zaključaka. Pet (5) zaključka je realizovano, pet (5) zaključaka su u toku realizacije, na dva (2) zaključka Služba OV nije

dobila očitovanje. Postavljeno je šest (6) vijećničkih pitanja. Na sva pitanja je odgovoreno. Podnosiocima pitanja i svim ostalim vijećnicima dostavljeni su pisani odgovori na vijećnička pitanja.

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Vijećnik Malik Rizvanović nezadovoljan je sa realizacijom zaključka koji se odnosi na uklanjanje pasa lualica u MZ Dabravine . O istom je dao pojašnjenje.

Vijećnica Sahudina Beganović mišljenja je da je nepotpun odgovor koji je dobila u vezi izgradnje spomen obilježja logorašima Vareša. Moli Načelnika da se očituje i na osnovu tog očitovanja Inicijativni odbor logoraša će odabrati put za daljnju realizaciju ove aktivnosti.

Vijećnik Dario Dodik u svom obraćanju izjavio je da nije dobio očitovanje nadležne Službe u vezi zaključka OV po kome je traženo da se služba očituje da li postoje neke zapreke za izgradnju parking prostora (odnosi se na inicijativu vijećnika Daria Dodik po kojoj bi se Vijeće trebalo izjasniti nakon očitovanja službe po zaključku).

(Vijećnička pitanja)

Maja Berberović

1. Da li postoji mogućnost uspostavljanja i objave Reda vožnje na relaciji Vareš Majdan – Vareš – Vareš Majdan od strane firme Ljaljić Tours koja pruža usluge prevoza na ovoj relaciji i da se linija u jutarnjim satima u 6:30 sati i u 15:30 sati „pojača“ sa kombijem ili mini-busom sa većim brojem sjedišta? (dato je pojašnjenje)

Mirnes Ajanović

2. Pitanje se tiče komunalnih problema u MZ Vareš, taksativno ću ih pobrojati:
 - Dio oko škole: most na pijaci, voda (česma) na pijaci-nema je, udubljenje na igralištu. Loše stanje spomenika, smeće-nema kanti za otpatke, rupe na cesti, loše stanje klupa.
 - Put Mira: (od mosta do pošte) ruševni objekti, ogrjev na cesti, rupe po putu, poklopci na rasvjeti, parking. Loše održavanje zgrada, trava i rastinje na javnim površinama, loše čišćenje snijega, kanta za otpatke.
 - Matijevići- rasvjeta, loše čišćenje snijega, kontejneri, trava i rastinje oko puta.
 - Dio grada oko Općine: ruševne zgrade, autobusko stajalište, uređenje parkinga preko puta mesare, nedostatak kontejnera i kanti za smeće posebno kod škole, postavljanje natkrivenog autobusnog stajališta.
 - Dio oko dječjeg igrališta- rasvjeta u parku, nedostatak pijeska na igralištu, popravka stolica, ogrjev oko zgrade, manjak kontejnera, loše održavanje zgrada i podruma.
 - Dio od mesare do policije: kante za otpad, potporni zidovi, poklopci na rasvjeti, rupe po cesti, uređenje korita rijeke Stavnje (barem skloniti kamen koji je pao da ga voda ne bi odnijela) loše održavanje stambenih zgrada, loš odvoz smeća i samo čišćenje ulica, parking, ogrjev ispred

zgrada, loši trotoari, loše čišćenje sporednih ulica, zaštita kamenog mosta od daljnjeg propadanja.

- Bazen: loše čišćenje, popravak puta na cesti, rasvjeta Bazen (postao stovarište za drva), spomenik Rešadu, tabla za šah.
- Ljepovići: neredovno vodo snabdijevanje, rasvjeta, rupe na cesti, čišćenje snijega, nisko rastinje oko puta, trava na bankini.
- Selište: rasvjeta, na potezu neslovnih dijelova putne komunikacije zbog slabe vidljivosti i uske ceste postaviti par far ogledala, kanalizacija ide glavnom cestom, loše stanje potpornih kamenih zidova, parking, brza vožnja, ogrjev uz cestu. Loše stanje stambenih zgrada (fasada, krov, haustor). Nisko rastinje i trava oko puta, objekti za rušenje, loš odvoz smeća, čišćenje stepenica, u zimskom periodu čišćenje i posipanje ceste.
- Dio od policije-jezero-Alma Ras- prilaz parkingu kod Prka, klupe u parku, održavanje oko spomenika, popravak ceste od policije do Alma Ras, rastinje oko puta Željezara, rasvjeta, uređenje obale oko jezera (rasvjeta, kante za otpad, parking) loše stanje stambenih objekata. Loš odvoz smeća i čišćenje ulica. Nedostatak klupa za odmor, postavljanje natkrivenog autobuskog stajališta.
- Na mjesnim grobljima/grebljima (Stogić, Glavica i Bazen)- na sva tri groblja/greblja uz pomoć Vjerskih zajednica, sanirati put, obezbijediti kontejnere ili kante za smeće, izgraditi česme.
- Zgrada kina u Varešu- zbog krovne konstrukcije koja je u vrlo lošem stanju dolazi do daljnjeg uništavanja objekta i inventara samog kina. Pokušati iznaći rješenje da se barem krovna konstrukcija promjeni kako bi se zaustavilo daljnje propadanje i urušavanje objekta.

Problematika cijele MZ Vareš

Odvod u gradu (svi šahtovi su začepljeni, pristupiti što bržem rješavanju ove problematike), ruševni objekti, parking, korito rijeke stavnje.

Od JP „Vareš-stan“ tražiti da se izdvajaju veća sredstva za održavanje zgrade jer dosadašnja praksa od vrlo malog postotka izdvajanja za održavanje nisu dovoljna za osnovne potrebe jednog stambenog objekta.

Tražiti izvještaj od JP „Vareš-stan“ da pojedinačno napiše šta se radilo na svim objektima u gradu Varešu.

Zabraniti dvosmjerno parkiranje u ulicama.

Pored pojedinih trgovina, objekata postaviti dodatne kontejnere.

Aktivnije održavanje gradske čistoće u svim godišnjim dobima.

3. Zamolio bih Općinskog načelnika ili nadležne Općinske službe da nas informiše o pravnom statusu, statusu duga i strukturi duga „Livnice“ Vareš.

Salih Memić

4. Kada će se izvršiti zamjena sijalica na javnoj rasvjeti u MZ Dabravine? (dato je pojašnjenje)

Nedžad Mušanović

5. Kada će se postaviti barem dvije rasvjetne sijalice na parking u izu autoservisa „Prkić“?

Amela Brkić

6. Zamoljena sam od strane stanovnika Vareša koji žive u centru grada, tačnije ul. Tirići i ul. Pruga, da pitam kada će doći do sanacije tog dijela puta koji spaja ove dvije ulice? Jer je put u jako zapuštenom stanju, bila bi neophodna sanacija da bi ličilo na pješačku gradsku zonu sa osvjetljenjem.

Nurdin Begović

7. Da li Općina Vareš ima u planu i može uraditi rekonstrukciju dva mosta u MZ Dabravine? Radi se mostu kod „Kiseljaka“ tj. kod napravljenog izletišta pored ceste i koji je dotrajao te mostu kod Berbića koji je uzak te bez zaštitne ograde?
8. Koji su to koraci potrebni za izgradnju određene vrste hidro akumulacije na rijeci Stavnja? Ako se odlučimo za izgradnju imat ćemo podršku i to u vidu finansijskih sredstava 30-50% od ukupne vrijednosti projekta. (dato je pojašnjenje)

Dario Dodik

9. Pitanje se odnosi na usvajanje Regulacionog prostornog plana i proglašavanja ove trase puta koja treba da se gradi sa Rupica do Tisovaca? U kojoj smo fazi i zašto se čeka ovoliko dugo i koji su naredni koraci? Moramo ubrzati proceduru, koja je u biti pravno pitanje, da se proglasi Javnim dobrom. Zašto do sada nismo dobili na sjednicu ništa što bi išlo kao tačka dnevnog reda i proglašavanje tog puta Javnim dobrom?(dato je pojašnjenje)

Mahira Brkić

10. Pitanje bih postavila Ministarstvu za prostorno uređenje, promet i komunikacije i zaštitu okoline Zeničko-dobojskog kantona i Direkciji za ceste Zeničko-dobojskog kantona. Vijećničko pitanje vezano za održavanje, izgradnju i rekonstrukciju regionalnih cesta. Koji su iznosi ulaganja u redovno održavanje, obnovu, rekonstrukciju i izgradnju svih regionalnih cesta, razvrstano po pojedinačnim regionalnim cestama i po Općinama/gradovima na čijem području su investicije realizovane za 2019. i 2020. godinu? Također, tražim informaciju o Planu (Programu) investiranja u regionalne ceste za 2021. godinu obzirom da za pomenuti period ne postoji još usvojeni izvještaj o utrošku novčanih sredstava u pomenute svrhe. Sve navedeno se nalazi u zvaničnim Izvještajima i Planovima koje usvaja Vlada i Skupština ZDK, te Vas molim da nam dostavite zvanične i usvojene Izvještaje odnosno Planove kako je naprijed navedeno.

Inicijativa:

Igor Hinger

1. Podnosim Inicijativu Službi za opću upravu, društvene djelatnosti i boračko-invalidsku zaštitu da organizira okrugli sto i seminar za predsjednike mjesnih zajednica i članova odbora mjesnih zajednica u cilju edukacije istih, prikupljanja informacija i potreba mjesnih zajednica kako bi se napravio točan presjek stanja infrastrukture u mjesnim zajednicama te definirao plan, način i vremenski period realizacije.

Predsjedavajuća OV stavila je na raspravu Zapisnik sa 10. sjednice OV.

Nije bilo primjedbi i predsjedavajuća OV stavila je na izjašnjavanje Zapisnik sa 10. sjednice OV i nakon izjašnjavanja vijećnika konstatuje da je **jednoglasno sa 18 glasova „ZA“) usvojen Zapisnik sa 10. sjednice OV.**

Predsjedavajuća OV stavila je na raspravu prijedlog dnevnog reda za **11. sjednicu OV** koji je usaglašen na Kolegiju Općinskog vijeća.

Općinski načelnik uz dato pojašnjenje predložio je dopunu dnevnog reda sa tačkom 1. „Prijedlog Odluke o angažovanju Kantonalnog pravobranilaštva Zeničko-dobojskog kantona za potrebe Općine Vareš.“

Predsjedavajuća OV stavila je na izjašnjavanje prijedlog dnevnog reda 11. sjednice OV sa predloženom dopunom i nakon izjašnjavanja vijećnika konstatuje da je **jednoglasno sa 18 glasova „ZA“ usvojen sljedeći**

Dnevni red

1. Prijedlog Odluke o angažovanju Kantonalnog pravobranilaštva Zeničko-dobojskog kantona za potrebe Općine Vareš.
Izjavitelj: Općinski načelnik
2. Prijedlog budžeta/proračuna Općine Vareš za 2022. godinu.
Izjavitelj: Općinski načelnik
3. Prijedlog Odluke o izvršenju budžeta/proračuna Općine Vareš za 2022. godinu.
Izjavitelj: Općinski načelnik
4. Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2022. godine.
Izjavitelj: Općinski načelnik
5. Prijedlog Odluke o prihvatanju Inicijative za osnivanje MZ Borovica (spajanje mjesnih zajednica - Donja i Gornja Borovica).
Izjavitelj: Čedomir Jelić
6. Prijedlog Odluke o raspoređivanju sredstava za finansiranje rada mjesnih zajednica u 2022. godini.
Izjavitelj: Čedomir Jelić

7. Prijedlog Odluke o vrijednosti boda komunalne naknade za 2022. godinu.
Izjavitelj: Ermin Musa
8. Prijedlog Odluke o stavljanju van snage Odluke o saradnji i partnerstvu.
Izjavitelj: Čedomir Jelić.
9. Prijedlog Odluke o bratimljenju općina Bašiskele i Vareš.
Izjavitelj: Čedomir Jelić.
10. Prijedlog Odluke o dopuni Odluke o dodjeli u zakup poslovnih zgrada i poslovnih prostora Općine Vareš.
Izjavitelj: Ermin Musa.
11. Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš.
Izjavitelj: Ermin Musa.
12. Prijedlog Programa rada Općinskog vijeća Vareš za 2022. godinu.
Izjavitelj: Sekretar OV.
13. Izvještaj o realizaciji Strategije razvoja lokalnih cesta za 2020. godinu.
Izjavitelj: Ermin Musa.
14. Izvještaj o realizaciji Programa finansiranja komunalnih djelatnosti u 2021. godini.
Izjavitelj: Ermin Musa.
15. Informacija o provedenim aktivnostima u oblasti poljoprivrede na području općine Vareš za 2021. godinu.
Izjavitelj: Dragan Orozović.
16. Informacija o realizaciji projekata infrastrukture na području općine Vareš za 2021. godinu.
Izjavitelj: Ermin Musa.
17. Informacija o provođenju lokalnog ekološkog akcionog/akcijskog plana za općinu Vareš u 2020. godini.
Izjavitelj: Ermin Musa.
18. Informacija o zaključenim ugovorima i finansijskim pokazateljima po osnovu provođenja Odluke u davanju u zakup stanova Općine Vareš.
Izjavitelj: Ermin Musa.
19. Tekuća pitanja.

Ad. 1.

*(Prijedlog Odluke o angažovanju Kantonalnog pravobranilaštva
Zeničko-dobojskog kantona za potrebe Općine Vareš.)*

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o angažovanju Kantonalnog pravobranilaštva Zeničko-dobojskog kantona za potrebe Općine Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojena**

***Odluka o angažovanju Kantonalnog pravobranilaštva
Zeničko-dobojskog kantona za potrebe Općine Vareš.***

Ad. 2.

(Prijedlog budžeta/proračuna Općine Vareš za 2022. godinu.)

Komisija za privredu, finansije i budžet na 5. sjednici održanoj 27.12.2021. godine jednoglasno je donijela sljedeći Zaključak:

- **Komisija prihvata Prijedlog budžeta/proračuna Općine Vareš za 2022. godinu i Izvještaj o provedenoj javnoj raspravi i isti se upućuje Vijeću na razmatranje.**

Ispred predlagača Mirza Fatić uz dato obrazloženje upoznao je prisutne sa izmjenama u Prijedlogu Budžeta kao i o prihvaćenom amandmanu NK Vareš i ne prihvaćenim amandmanima SDA.

Otvorena je rasprava u kojoj su iznijeli svoja mišljenja: Sahudina Beganović (*traži pisani odgovor sa decidno navedenim datumima i visinama isplata političkim strankama*), Nedžad Mušanović i Dario Dodik.

Zaključena je rasprava i predsjedavajuća OV stavila je na izjašnjavanje Prijedlog budžeta/proračuna Općine Vareš za 2022. godinu.

Nakon izjašnjavanja vijećnika predsjedavajuća OV konstatuje da **je sa 12 glasova „ZA“ i 6 glasova „PROTIV“ usvojen**

Budžet/proračun Općine Vareš za 2022. godinu

Ad.3.

*(Prijedlog Odluke o izvršenju
budžeta/proračuna Općine Vareš za 2022. godinu.)*

Komisija za privredu, finansije i budžet na 5. sjednici održanoj 27.12.2021. godine jednoglasno je donijela sljedeći Zaključak:

- **Komisija prihvata Prijedlog Odluke o izvršenju budžeta/proračuna Općine Vareš za 2022. godinu i isti se upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjanje Prijedlog Odluke o izvršenju budžeta/proračuna Općine Vareš za 2022. godinu.

Nakon izjašnjanja vijećnika predsjedavajuća OV konstatuje da je sa **12 glasova „ZA“ i 6 glasova „PROTIV“ usvojena**

***Odluka o izvršenju budžeta/proračuna
Općine Vareš za 2022. godinu.***

Ad.4.

*(Prijedlog Odluke o privremenom finansiranju potreba Općine Vareš
za period od 01. januara/siječnja do 31. marta/ožujka 2022. godine.)*

Komisija za privredu, finansije i budžet na 5. sjednici održanoj 27.12.2021. godine jednoglasno je donijela sljedeći Zaključak:

- **Komisija prihvata Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2022. godine i isti se upućuje Vijeću na razmatranje.**

Komisija za statutarna pitanja i propise na 9. sjednici održanoj 23.12.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o privremenom finansiranju potreba Općine Vareš za period od 01. januara/siječnja do 31. marta/ožujka 2022. godine, te je upućuje Vijeću na razmatranje.**

Predlagač je povukao ovu tačku dnevnog reda jer je Budžet/proračun Općine Vareš za 2022. godinu usvojen.

Ad.5.

*(Prijedlog Odluke o prihvatanju Inicijative za osnivanje
MZ Borovica (spajanje mjesnih zajednica - Donja i Gornja Borovica).*

Komisija za statutarna pitanja i propise na 9. sjednici održanoj 23.12.2021. godine jednoglasno je donijela sljedeći Zaključak:

- **Komisija nema primjedbi na Prijedlog Odluke o prihvatanju Inicijative za osnivanje MZ Borovica (spajanje mjesnih zajednica – Donja i Gornja Borovica), te je upućuje Vijeću na razmatranje.**

Predsjedavajuća OV podsjetila je Vijeće da se ova tačka razmatra po Zaključku OV. Otvorena je rasprava u kojoj su učestvovali vijećnik Nazif Hajrić, predsjedavajuća OV Mahira Brkić i sekretar OV Leon Pavlović.

Zaključena je rasprava i predsjedavajuća OV stavila je na izjašnjavanje Prijedlog Odluke o prihvatanju Inicijative za osnivanje MZ Borovica (spajanje mjesnih zajednica - Donja i Gornja Borovica).

Nakon izjašnjavanja predsjedavajuća OV konstatuje da je **jednoglasno sa 18 glasova „ZA usvojena**

***Odluka o prihvatanju Inicijative za osnivanje MZ Borovica
(spajanje mjesnih zajednica - Donja i Gornja Borovica).***

Predsjedavajuća OV stavila je na izjašnjavanje sljedeći

Zaključak:

- 1. PRIHVATA SE Inicijativa za osnivanje MZ Borovica (spajanje mjesnih zajednica – Donja i Gornja Borovica).**
- 2. Inicijativa za osnivanje MZ Borovica (spajanje mjesnih zajednica – Donja i Gornja Borovica) iz tačke 1. čini sastavni dio ovog Zaključka.**
- 3. Zadužuje se Služba za opću upravu, društvene djelatnosti i boračko-invalidsku zaštitu da za narednu sjednicu OV pripremi Prijedlog Odluke o osnivanju MZ Borovica.**
- 4. Ovaj Zaključak stupa na snagu danom donošenja.**

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojen predloženi Zaključak.**

Ad.6.

*(Prijedlog Odluke o raspoređivanju sredstava za
finansiranje rada mjesnih zajednica u 2022. godini.)*

Komisija za statutarna pitanja i propise na 9. sjednici održanoj 23.12.2021. godine jednoglasno je donijela je sljedeći Zaključak:

- Komisija nema primjedbi na Prijedlog Odluke o raspoređivanju sredstava za finansiranje rada mjesnih zajednica u 2022. godini, te je upućuje Vijeću na razmatranje.**

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o raspoređivanju sredstava za finansiranje rada mjesnih zajednica u 2022. godini.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojena**

***Odluka o raspoređivanju sredstava za
finansiranje rada mjesnih zajednica u 2022. godini.***

Ad.7.

*(Prijedlog Odluke o vrijednosti
boda komunalne naknade za 2022. godinu.)*

Komisija za statutarna pitanja i propise na 9. sjednici održanoj 23.12.2021. godine jednoglasno je donijela je sljedeći Zaključak:

- **Komisija nema primjedbi na Prijedlog Odluke o vrijednosti boda komunalne naknade za 2022. godinu, te je upućuje Vijeću na razmatranje.**

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Dario Dodik koji je uz pojašnjenje skrenuo pažnju na male ulice, preraspodjelu zona i plaćanje naknade.

Zaključena je rasprava i predsjedavajuća OV stavila je na izjašnjavanje Prijedlog Odluke o vrijednosti boda komunalne naknade za 2022. godinu.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“** (odsutni vijećnici Zdenko Franjić i Nazif Hajrić) **usvojena**

***Odluka o vrijednosti
boda komunalne naknade za 2022. godinu***

Ad.8.

*(Prijedlog Odluke o stavljanju van
snage Odluke o saradnji i partnerstvu.)*

Komisija za statutarna pitanja i propise na 9. sjednici održanoj 23.12.2021. godine jednoglasno je donijela je sljedeći Zaključak:

- **Komisija nema primjedbi na Prijedlog Odluke o stavljanju van snage Odluke o saradnji i partnerstvu, te je upućuje Vijeću na razmatranje.**

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Odluke o stavljanju van snage Odluke o saradnji i partnerstvu.

Nakon izjašnjavanja vijećnika predsjedavajuća OV konstatuje da **je jednoglasno sa 16 glasova „ZA“** (odsutni vijećnici Zdenko Franjić i Nazif Hajrić) **usvojena**

***Odluka o stavljanju van
snage Odluke o saradnji i partnerstvu.***

Ad.9.

(Prijedlog Odluke o bratimljenju općina Bašiskele i Vareš.)

Komisija za statutarna pitanja i propise na 9. sjednici održanoj 23.12.2021. godine jednoglasno je donijela je sljedeći Zaključak:

- **Komisija nema primjedbi na Prijedlog Odluke o bratimljenju općina Bešiskele i Vareš, te je upućuje Vijeću na razmatranje.**

Otvorena je rasprava u kojoj je učestvovao vijećnik Šaban Ibrišimović.

Zaključena je rasprava i predsjedavajuća OV stavila je na izjašnjanje Prijedlog Odluke o bratimljenju općina Bašiskele i Vareš.

Nakon izjašnjanja vijećnika predsjedavajuća OV konstatuje da **je jednoglasno sa 16 glasova „ZA“** (odsutni vijećnici Zdenko Franjić i Nazif Hajrić) **usvojena**

Odluka o bratimljenju općina Bašiskele i Vareš.

Ad.10.

*(Prijedlog Odluke o dopuni Odluke o dodjeli u zakup
poslovnih zgrada i poslovnih prostora Općine Vareš.)*

Komisija za statutarna pitanja i propise na 9. sjednici održanoj 23.12.2021. godine jednoglasno je donijela je sljedeći Zaključak:

- **Komisija nema primjedbi na Prijedlog Odluke o dopuni Odluke o dodjeli u zakup poslovnih zgrada i poslovnih prostora Općine Vareš, te je upućuje Vijeću na razmatranje.**

Predlagač Općinski načelnik Zdravko Marošević dao je dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge i pitanja iznijeli vijećnici: Mahira Brkić, Dario Dodik, Nazif Hajrić, Malik Rizvanović i Maja Berberović.

Predsjedavajuća OV je na osnovu diskusije vijećnika i prijedloga predložila da se u Prijedlogu Odluke u članu 1. u zadnjem redu iza riječi „nalazi“ dodaju riječi „su bez naknade“, ostale riječi se brišu.

Predsjedavajuća OV stavila je na izjašnjanje Prijedlog Odluke o dopuni Odluke o dodjeli u zakup poslovnih zgrada i poslovnih prostora Općine Vareš sa predloženom izmjenom.

Nakon izjašnjanja vijećnika predsjedavajuća OV konstatuje da **je jednoglasno sa 18 glasova „ZA“ usvojena**

Odluka o dopuni Odluke o dodjeli u zakup

poslovnih zgrada i poslovnih prostora Općine Vareš.

Ad.11.

(Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš.)

Predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajuća OV stavila je na izjašnjavanje Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš.

Nakon izjašnjavanja vijećnika predsjedavajuća OV konstatuje da je **jednoglasno sa 18 glasova „ZA“ usvojeno**

Rješenje o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš.

Ad.12.

(Prijedlog Programa rada Općinskog vijeća Vareš za 2022. godinu.)

Sekretar OV dao je dodatno pojašnjenje za ovu tačku dnevnog reda.

Otvorena je rasprava u kojoj je vijećnik Igor Hinger uz dato obrazloženje predložio je da se tačka 40. „Informacija o provođenju lokalnog ekološkog akcionog/akcijskog plana za Općinu Vareš u 2021. godini“ razmatra u I kvartalu.

Zaključena je rasprava i predsjedavajuća OV stavila je na izjašnjavanje Prijedlog programa rada Općinskog vijeća Vareš za 2022. godinu uz prihvaćenju izmjenu.

Nakon izjašnjavanja vijećnika predsjedavajuća konstatuje da je **jednoglasno sa 18 glasova „ZA“ usvojen**

Program rada Općinskog vijeća Vareš za 2022. godinu.

Ad.13.

(Izveštaj o realizaciji Strategije razvoja lokalnih cesta za 2020. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je vijećnik Malik Rizvanović tražio od nadležnih službi da mu se pismeno dostave podaci za svaki urađeni lokalni put iz tabele br. 2, u kojoj godini su predviđena sredstva, u kojoj godini je došlo do realizacije projekta, ko je investitor, tj. sa kojeg većeg nivoa vlasti su osigurana sredstva ili je Općina iz budžeta osigurala sredstva.

Pomoćnik načelnika Ermin Musa podsjetio je prisutne da po Programu rada OV, Vijeću se dostavlja na razmatranje Informacija o realizovanim projektima, ali da će Služba pripremiti informaciju koju je u raspravi tražio vijećnik Malik Rizvanović.

Zaključena je rasprava i predsjedavajuća OV konstatuje da je sa **11 glasova „ZA“ i 7 „SUZDRŽANIH“ glasova usvojen**

***Izveštaj o realizaciji Strategije
razvoja lokalnih cesta za 2020. godinu.***

Predsjedavajuća OV dala je pauzu u trajanju 30 minuta.

Nastavljeno je sa radom današnje sjednice.

Ad.14.

*(Izveštaj o realizaciji Programa
finansiranja komunalnih djelatnosti u 2021. godini.)*

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici i iznijeli problematiku zimskog održavanja: Malik Rizvanović, Igor Hinger, Mirnes Ajanović, Amela Brkić, Nazif Hajrić, Dario Dodik, Sahudina Beganović, Maja Berberović i Asmir Čizmo.

Općinski načelnik Zdravko Marošević u svom obraćanju iznio je svoje mišljenje u vezi problematike zimskog održavanja lokalnih puteva, regionalnog puta, nekategorisanih puteva, čišćenja trotoara i prostora ispred poslovnih objekata. Dao je odgovore na postavljena pitanja vijećnika u raspravi.

Predsjedavajuća OV sugerisala je ovlaštenom predlagaču da uvaži kritike i sugestije vijećnika iznesene u raspravi.

Zaključena je rasprava i predsjedavajuća OV stavila je na izjašnjavanje Izveštaj o realizaciji Programa finansiranja komunalnih djelatnosti u 2021. godini.

Nakon izjašnjavanja vijećnika predsjedavajuća OV konstatuje da je **sa 11 glasova „ZA“ i 6 „SUZDRŽANIH“** (odsutan vijećnik Nurdin Begović) **glasova usvojen**

***Izveštaj o realizaciji Programa finansiranja
komunalnih djelatnosti u 2021. godini.***

Ad.15.

*(Informacija o provedenim aktivnostima u oblasti
poljoprivrede na području općine Vareš za 2021. godinu.)*

Otvorena je rasprava u kojoj je učestvovao vijećnik Salih Memić („Kad je poljoprivredna proizvodnja u pitanju na općini Vareš, ona je mogu slobodno reći u silaznoj putanji. Ja sam svjedok tome, jer sam direktno involviran u većinu procesa poljoprivredne proizvodnje u smislu sa poljoprivrednim proizvođačima. Ko je pratio planiranje sredstava, poticaji za poljoprivrednu proizvodnju po predviđenom planu su 40.000 KM na godišnjem nivou od čega je utrošeno 3.449 KM. Znači, nedostaje u isplati 36.551 KM. Draga gospodo, hrana je osnov svega, bez svega se može, ali bez hrane se ne može. Svjedoci smo velikih poskupljenja prehrambenih proizvoda u protekloj godini. Naravno kad su ta poskupljenja u pitanju, neće se zaustaviti. Kad je proizvodnja žita u pitanju, na proljeće 2022. godine najavljuje se enormno poskupljenje brašna, a ovdje nije navedeno ništa kad je u pitanju tematika proizvodnje žita na području općine Vareš. Svjestan sam činjenice položaja terena,

ali to nije opravdanje da se ne radi i da parcele budu zapuštene i neobrađene. Mora se održavati više predavanja o pokretanju poljoprivredne proizvodnje u cilju animacije poljoprivrednog stanovništva i bitnosti naveden tematike. Ovo moje izlaganje tražim da se u potpunosti unese u Zapisnik. Na osnovu iskazanog izlaganja tražim da OV donese sljedeći

Zaključak:

Nalaže se Općini Vareš da u narednom periodu organizuje predavanja koja će obuhvatiti pokretanje poljoprivredne proizvodnje na području općine Vareš, a sve u cilju animacije stanovništva da se bavi ovim poslom.

Zaključena je rasprava i predsjedavajuća konstatuje uz Zaključak da je **Vijeće primilo k znanju**

Informaciju o provedenim aktivnostima u oblasti poljoprivrede na području općine Vareš za 2021. godinu

Predsjedavajuća OV stavila je na izjašnjanje predloženi Zaključak od vijećnika Saliha Memić.

Nakon izjašnjanja vijećnika predsjedavajuća OV konstatuje da je **jednoglasno sa 17 glasova „ZA“** (odsutan vijećnik Nurdin Begović) **usvojen predloženi Zaključak.**

Ad.16.

(Informacija o realizaciji projekata infrastrukture na području općine Vareš za 2021. godinu.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoje prijedloge, mišljenja i pitanja iznijeli vijećnici: Šaban Ibrišimović (*predložio da se u informaciji unesu dva projekta i to: izgradnja parking prostora na 280 m² na sjevernoj kapiji Kraljevskog grada Bobovca i višenamjensko igralište kod područne škole u Dragovićima*), Dario Dodik, pomoćnik načelnika Ermin Musa (*dao je odgovore na pitanje vijećnika Dario Dodik u vezi plaćanja za izvršeno uređenje poslovne zone Kram nakon završenih radova*), Dario Dodik (replika), Nazif Hajrić, Malik Rizvanović, Nikola Šimić i Sahudina Beganović.

Zaključena je rasprava i predsjedavajuća OV konstatuje uz Zaključak da je **Vijeće primilo k znanju**

Informaciju o realizaciji projekata infrastrukture na području općine Vareš za 2021. godinu.

Ad.17.

(Informacija o provođenju lokalnog ekološkog akcionog/akcijskog plana za općinu Vareš u 2020. godini.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja, prijedloge i pitanju iznijeli vijećnici: Igor Hinger, Mahira Brkić (*na osnovu pitanja vijećnika Igora Hinger u vezi određenih podataka vezanih za pošumljavanje, podsjetila je prisutne na zaključak Kolegija po kome su ti podaci traženi od ŠPD ZDK Zavidovići,*), Šaban Ibrišimović (*predložio da putem predsjednika mjesnih zajednica ustanovimo na mjesnim zajednicama koliko ima divljih deponija*), Sahudina Beganović (*skrenula pažnju na potrebnu zaštitu stećaka koji se nalaze na Brdima iznad Striježeva*), pomoćnik načelnika Ermin Musa (*izvijestio je Vijeće da je eko policajac po zaključku Vijeća kontaktirao predsjednike mjesnih zajednica u vezi divljih deponija i da će se ponovo kontaktirati predsjednike po istom pitanju i ažurirati podatke*), Šaban Ibrišimović (*replika*), Mirnes Ajanović (*podsjetio je da je Vijeće donijelo Odluku o uklanjanju divljih deponija*), Dario Dodik (*predložio da se izradi mapa divljih deponija*), Salih Memić, Maja Berberović, Amela Brkić i Igor Hinger.

Zaključena je rasprava i predsjedavajuća OV predložila je sljedeći

Zaključak:

- **Zadužuje se Služba za prostorno uređenje da pošalje jednoobrazne Upitnike predsjednicima mjesnih zajednica kako bi se locirale sve divlje deponije, a zatim na osnovu odgovora od istih, da nadležna Služba sačini mapu tih divljih deponija. (Rok za dostavljanje podataka je 30 dana).**

Nakon izjašnjavanja vijećnika predsjedavajuća konstatuje da je Vijeće **jednoglasno sa 17 glasova „ZA“** (odsutan vijećnik Nurdin Begović) **usvojilo predloženi Zaključak i primilo k znanju**

Informaciju o provođenju lokalnog ekološkog akcionog/akcijskog plana za općinu Vareš u 2020. godini

Ad.18.

(Informacija o zaključenim ugovorima i finansijskim pokazateljima po osnovu provođenja provođenju Odluke o davanju u zakup stanova Općine Vareš.)

Predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Dario Dodik (*predložio je da se raskinu ugovori sa zakupcima koji ne izmiruju svoje obaveze*).

Zaključena je rasprava i predsjedavajuća konstatuje uz Zaključak da je **Vijeće primilo k znanju**

Informaciju o zaključenim ugovorima i finansijskim pokazateljima po osnovu provođenja provođenju Odluke o davanju u zakup stanova Općine Vareš

Ad.19.
(Tekuća pitanja.)

Predsjedavajuća OV upoznala je prisutne sa pristiglom poštom:

1. Obavještenje o pristupanju Klubu OOSDP BiH Vareš dostavljeno od vijećnice Amele Brkić 13.12.2021. godine. (informativno).
2. Informacija OO SDP BiH Vareš o pristupanju samostalne vijećnice Amele Brkić Klubu SDP, broj:33/2021 od 13.12.2021. godine. (informativno).
3. Dopis u vezi prevoza učenika na relaciji Vareš –Budoželje, broj 88-12/21 od 15.12.2021. godine dostavljen od predsjednika Saveza MZ Budoželje.

Predsjedavajuća OV podsjetila je Vijeće da po dostavljenom Dopisu Kolegij OV donio Zaključak da predsjedavajuća obavi razgovor sa Načelnikom i da se organizuje sastanak i razmotri navedena problematika. Načelnik se sastao sa predstavnicima roditeljima i problem je riješen.

4. Zaključak Nadzornog odbora JKP d.o.o. Vareš u vezi rasta cijena električne energije u 2022. godini, broj 746-12/21 od 24.12.2021. godine.

U raspravi su učestvovali vijećnici: Mario Mirčić, Mirnes Ajanović, Amela Brkić, predsjedavajuća OV Mahira Brkić i sekretar OV Leon Pavlović.

Nakon rasprave predsjedavajuća OV predložila je i stavila na izjašnjanje sljedeći

Zaključak:

-Općinsko vijeće Vareš podržava stavove iznesene u aktu direktora JKP d.o.o. Vareš kao i Zaključak Nadzornog odbora a u vezi rasta cijena električne energije u 2022. godini.

-Zaključak se dostavlja direktoru i organima upravljanja JKP d.o.o. Vareš.

-Ovaj Zaključak stupa na snagu danom donošenja.

Nakon izjašnjanja vijećnika predsjedavajuća OV konstatuje da **je jednoglasno sa 17 glasova „ZA“** (vijećnik Nurdin Begović) **usvojen Zaključak**

Predsjedavajuća OV u svoje lično ime i u ime Općinskog vijeća čestitala je svim građanima općine Vareš Novu godinu.

Sastavni dio ovog Zapisnika je audio zapis sjednice.

Sjednica je završena u 18.07 sati.

SEKRETAR

Leon Pavlović

ZAPISNIČAR

Azra Pijadžer

**PREDSJEDAVALA
OPĆINSKOG VIJEĆA**

Mahira Brkić